

孟河馬良伯著

敬孫



醫悟傷寒目錄

傷寒綱領

傷寒綱領二

經腑辨

傷寒三法

傷寒類傷寒辨

正傷寒
熱病

傷風
傷暑

風濕
風溫

溫病
濕溫

冬溫

寒疫

中寒

時疫

霍亂

陰症

瘧

腳氣

痰

蓄血

癰膿

虛煩

傷寒六經見症

太陽經症
少陰經症

陽明經症
厥陰經症

少陽經症
太陽腑症

太陰經症
陽明腑症

直中

傷寒兼症

頭重
背惡寒

頭脹
無汗

頭眩
小水不通

鬱胃
小便難

小便自利

小便數

腸鳴

胸滿

心下痞硬

結胸

乾嘔

噦

噫氣

呃逆

醫小兒身目金

短氣

喘

氣逆

煩熱

躁

懊懣

面赤

譫語

鄭聲

發狂

斑疹

癰

鼻衄

口鼻耳目出血

吐血

吐膿血

蓄血

便膿血

便血

喉痺

失音

不語

動氣

足冷

四逆

厥

臟厥

虵厥

臟結

振

戰慄

悸

驚惕

筋惕肉瞤

戴陽

瘕瘕

不仁

狐惑

百合病

直視

頭搖

遺溺

循衣撮空

冷汗

勞復

食復

女勞復

瘥後煩熱

發顛

新瘥喜睡

醫要略

醫要略

醫要略

醫要略

醫要略

醫要略

醫要略

醫要略

醫要略

醫悟卷六

孟河馬冠羣良伯甫述

傷寒綱領

傷寒大要止在表裏寒熱四字有表寒有裏寒有表熱有裏熱有表裏皆寒有表裏皆熱有表寒裏熱有表熱裏寒惡寒發熱頭痛體痠者太陽傷寒也此爲表寒治宜辛散熱論所謂汗出而散也陽明之解肌少陽之和解皆同一治表之法寒邪不由外表直入陰經手足厥冷脈微細沉下利清穀者爲裏寒治宜溫通傷寒論所謂急溫之宜四逆湯是也冬令觸犯霜露寒邪伏藏腠理分肉之間積久蒸熱至春感溫氣而成溫病至夏感熱氣而成熱病頭痛發熱與傷寒同

但不惡寒而口渴外表熾熱入暮更重此爲表熱治宜清解古方用柴葛解肌清中以解表雖表邪有未徹者黃芩宜緩裏邪已極盛者柴胡宜去又津液耗乏宜參清化存陰法不一法然此方在溫熱病中固不易之法也傷寒漸次傳裏燥渴引飲裏熱也溫熱症鬱熱充斥募原三焦尤裏熱也其在太陰則津液乾耗少陰則咽乾口燥厥陰則大渴不止而消水治宜急攻以存陰傷寒論中大柴胡三承氣等方悉救急之法或去枳櫨或加斛地在臨時斟酌而已傷寒由陽明傳本腑則外內熾熱溫熱病肺胃熱鬱蔓延三焦則口渴引飲譫語狂妄此皆表裏並熱之症熱勢散漫邪未結聚固不得用燥實之例急急攻下然邪火正盛不急蕩滌必致斑黃厥逆之變芩連地斛

翹樞犀羚擇宜而施無使耗劫陰液傳入包絡否或白虎湯方外清
肌膚內清臟腑熱清而邪自解衛陽不足寒邪直中或表裏兩感是
謂表裏皆寒仲景本有麻附細辛湯法仿其意而引伸之兩感則桂
枝薑蘇直中則椒薑桂附尤宜急治不得以紆緩誤事三陽未罷已
傳入裏則爲表寒裏熱或鬱熱潛伏感受新寒亦爲外寒裏熱傷寒
論中本有先解表邪後攻裏熱之法然或裏熱已盛徒表反增乾灼
則宜清中解表並用或火亢已極反兼水化內熱閉結而外有惡寒
之狀者尤屬裏熱鬱結切忌錯誤因循錯誤之患固不待言因循則
熱勢燎原雖良劑亦無所濟矣素體虛寒溫邪外客此爲裏寒表熱
熱勢偪迫神色焦灼不得不用清解以先治其標然其本固虛寒也

清劑稍過已有熱去寒生之患則當謹守用寒遠寒之戒又有陰寒下伏偪其無根失守之火浮游於上肌表大熱至欲坐卧泥水中者此當急用大溫參收斂之藥引火歸原自神固而煩躁可定設見機不捷游移頃刻陽絕汗出矣此皆傷寒變境惟在神明於法握其綱以絜其領自病無遁形治無遺憾也

傷寒綱領二

其次當知傳經直中之分傳經者由太陽傳陽明由陽明傳少陽由少陽傳太陰由太陰傳少陰由少陰傳厥陰此名循經傳也亦有越經傳者如寒邪初客太陽有不傳陽明而徑傳少陽者有不傳陽明經而徑入陽明腑者亦有由陽明不傳少陽而徑入本腑者亦有由

少陽不傳三陰而徑入胃腑者亦有傳一二經而止者亦有始終只在一經者雖所傳各各不同其爲傳經則一也直中者不由陽經傳入而徑中三陰中太陰則病淺中少陰則病深中厥陰則愈深矣夫傳經之邪在表爲寒入裏卽爲熱症不比直中之邪但寒而無熱也

先明傳經直中之分斯寒熱之治不至迷誤而妄用

經腑辨

經猶徑路皮之內肉之外元氣流行之區也腑猶府藏容納水穀之地也經文膀胱小腸胃大腸膽三焦爲六腑者對五臟而言也腑與臟各有支脈散布縈繞於分肉之間氣與血循之以上下往來以其爲氣血所經行故謂之爲經腑臟在內而經在外者也腑陽也陽從

陽故其經外布近衛陽之腠理傷寒之爲病有太陽膀胱陽明胃少陽膽三陽經太陰脾少陰腎厥陰肝三陰經有太陽腑陽明腑少陽腑三腑膀胱胃膽腑也外布之支脈則經也近於衛陽流行之腠理故爲陽經風寒自腠理入陽經先受之受之者外布之支絡其去本腑尙遠甚也以次傳及脾腎肝三支絡則爲三陰經經者亦其支絡非卽脾腎肝本臟也由陰經漸次至胃乃爲入腑此循經遞傳之傷寒經與腑可得而分言也而初學或未能了了者則傷寒序誤之也序云三陽在經之邪未入腑者可汗而已是也曰三陰之邪已入腑者可下而已則經與腑混矣入腑誠可下三陰非腑也論中方云太陰病脈浮者可汗少陰中風脈陽微陰浮爲欲愈厥陰中風脈微浮

爲欲愈不淨爲未愈謂在經之邪有向汗之時則邪雖至陰陰仍經
非腑也去腑尙遠何得脫畧三陰在經一層直稱入腑幾若卽經卽
腑而經與腑漫無界畫乎序如云三陰在經之邪亦可汗由三陰而
已入腑者可下而已則經自經腑自腑分明顯豁無可疑矣序之意
或謂邪在陰經去胃腑近極易入腑故畧去在陰經一層然陽經亦
何嘗不易入腑乎有邪在太陽不傳他經徑入胃腑爲越經之傳者
傷寒論所云有太陽陽明有正陽陽明有少陽陽明是也太陽陽明
少陽陽明固不待申說而可明矣若正陽則陽明之經陽明則陽明
本腑不便言有陽明陽明故變文曰正陽陽明也太陽少陽本皆腑
也而以爲經一陽明也旣以爲腑又以爲經豈非經者指其散布分

肉之支脉而言腑者指其本腑而言與表爲陽裏爲陰指人全體而言者迴異乎陽經陰經皆經也經爲在表不獨三陽經爲表卽三陰經亦爲表病邪雖至三陰如不傳陽明本腑於裏固無所涉傷寒論云其不再傳經不加異氣者七日太陽病衰頭痛稍愈八日陽明病衰身熱少息九日少陽病衰耳聾微聞十日太陰病衰腹減思食十一日少陰病衰渴止舌乾已而噓也十二日厥陰病衰囊縱少腹微下大氣皆去精神爽慧此言邪熱在經未遽入裏裏氣充足不加異氣則邪氣已衰故病亦漸衰也衰必至於七日者七日來復之義譬之大敵圍城四鄉雖殘毀而城中守備完足卽驚惶不安而城不得入敵將自退如謂陰經卽爲裏則六日以後將日重一日不告絕不

止焉有愈期耶既曰經盡又曰不再傳經明明謂此皆在經之邪在經則於裏無涉故可用汗解並可自愈如以陰經爲在裏非臟卽腑矣臟則已成絕症無可挽回腑則納而不出凝結團聚非蕩滌攻伐不去何能汗解及自愈仲景治太陰病何以有可發汗之言乎時賢亦知胃爲中土萬物歸赴無所復傳然必不傳乃可言胃腑乃爲在裏非所論於有傳也傷寒至陰經時方由太陰傳少陰又傳厥陰非不傳也則陰經之陰非在裏之陰卽非無所傳之胃腑明矣傷寒在陽經時鬱熱不解因而氣悶神昏者有之因而劫津渴飲者有之且支絡熱迫日久本腑受氣當其傳入陰經卽并傳入胃腑以致太陰有大實痛少陰有下利青黃水心下硬厥陰有煩滿囊縮者此時固

非以腑症治不可然謂陰經與胃腑並傳非所論於僅傳陰經之症也熱論曰太陰病腹滿噎乾少陰病口燥而渴則皆經病無實痛下利心下硬之腑病故治之以清熱存津而止如不辨其在陰經與兼在腑概曰可下獨忘夫病發於陰下之作痞乎則入陰而並入腑與入陰而未入腑兩證尤傷寒至要之樞紐不可不詳審細辨矣明乎腑臟之支絡外布者爲經內繫者爲腑則經與腑分明乎入陰之兼入腑與未入腑則經與腑愈分而傷寒序例之誤不待申言而自見矣程氏經腑論於陰經之兼入腑與未入腑未能分晰致以陽明本腑症與傳入陰經之症夾雜同敘且其言邪在於經還表向汗直視陰經已較陽經深一層並非與陽經錯綜參互同布分肉之間者故

曰陽經去腑遠陰經與腑近則於十一經之經絡孫絡支絡亦未究
心疑誤後生多矣

傷寒三法

風寒初中於人也發熱惡風寒頭脹痛鼻塞身重體痛此皮毛受病
法當汗解若失時不汗或汗不如法以致腠理閉塞榮衛不通病邪
深入由絡脉而經隧伏膺腸胃募原邪傳愈深病變愈多卽不得徒
守一汗法以期奏效或始初卽頭悶脹乾熱而脉象細弱形體倦怠
者元氣內傷也或內熱晡熱脉數細而無力者勞心縱欲真陰虧損
也或胸高滿悶吞酸噯腐日晡潮熱氣口脉滑緊傷食病也皆有寒
熱爲傷寒兼雜症與外感似同而實異不得因有寒熱而妄汗生變

其或外感寒熱而臍有動氣亦不可汗動氣在臍右汗之則衄而心煩飲水卽吐動氣在臍左汗之則不止頭眩筋惕肉瞤動氣在臍上汗之則氣上衝心動氣在臍下汗之則心大煩骨節痠痛目運舌不得前食入則吐又如脉沉咽燥病已入裏汗之則津液越出大便難而譫語少陰厥冷症汗之則動血或從耳目或從口鼻出爲下厥上竭少陰中寒汗之則厥逆踡卧不能自溫寸弱者汗之則亡陽尺遲弱者汗之則亡陰諸失血者汗之則直視額上陷淋家汗之則便血瘡家汗之則痙壞病虛人及女人經適至皆不可輕易言汗其有標病正急不汗將延他變則當審其病勢後先而參用解肌之法如熱入裏而表未解者用葛根芩連湯清涼解表法也太陽症脉沉細少

陰症反發熱者用麻附細辛湯是溫中解表法也少陽中風用柴胡加桂枝湯是和解中兼表法也傷寒賦云動氣理中去白朮是於理中加汗藥保元氣而除病氣也東垣治陽虛用補中方加表藥丹溪治陰虛用芎歸湯加表藥是去邪而不妨正也不獨此也凡陽虛者皆宜補中發汗陰虛者皆宜養陰發汗挾熱者皆宜清涼發汗挾寒者皆宜溫中發汗傷食者皆宜消導發汗感重而體實者宜發汗重劑感輕而體虛者宜解表輕劑又東南之人腠理疎汗劑宜輕西北之人稟賦厚汗劑宜重而隆冬肌表固密與春夏肌表疎泄之時時令不同處方亦宜斟酌三陽經病皆表症皆汗者也而汗亦非可漫施如症在太陽而發散陽明則先傷腹裏病在陽明少陽而疏泄太

陽則重傷膚廓病在太陽陽明而和解少陽則引賊入門病在二經而僅治一經已遺一經病在三經而偏治一經即遺二經矣如病在一經而兼治二經或兼治三經則邪過經矣太陽無汗用麻黃有汗用桂枝陽明用葛根少陽用柴胡此師師相傳之專方也而麻黃桂枝有時或不可用九味羌活湯太陽經方也而兩感症及非時感冒症變通用之亦能不犯三陽禁忌柴葛解肌湯治春溫夏熱自裏達表不惡寒而口渴之症也若新感風寒惡寒而口不渴者又非所宜且外感有自汗有無汗固已然傷風自汗與傷暑自汗症雖相似而傷暑則爲氣虛衛虛虛而復與以表散是爲重傷津液名曰重暍變且不救故有用白朮防風以治風益元六一以治裏之例發汗退熱